




閩南涉臺族譜彙編

062



名譽主編：陳支平 林曉峰 林彬
主編：蕭慶偉 鄧文金 施榆生



國家『十二五』重點圖書出版規劃項目
國家新聞出版改革發展項目庫項目



閩南涉臺族譜彙編

062



名譽主編：陳支平 林曉峰 林 彬
主 編：蕭慶偉 鄧文金 施榆生



海峽出版發行集團
福建人民出版社

目
録

石獅錦黃新厝房支譜

.....

目
録



石獅
鋪錦


石獅錦黃新厝房支譜

黃清英 修撰
嘉慶十五年（1810年）

《石獅錦黃新厝房支譜》，即泉州晉江黃氏新厝房支譜，黃氏爲晉江大族之一，分支甚多。該支譜於清嘉慶十五年（1810年）由裔孫黃清英修撰而成。

新曆旧譜

嘉慶十五年十一月立清吳序



續脩錦黃新厝房支譜小序

譜之不可不世脩脩之足以攝衆心敦孝弟而又必
謹其疑嚴其例也則自吾宗譜之始創於省吾公續
脩於蓋山錦湖漢白銘歆及吾曾世父裴園公以至
吾房譜之創自世父純軒公支譜之作於先嚴逸
史公已具言之而一其義例以爲後人遵守矣英於
茲續各備謄其序及其條例而未稍附以一得之見
而另書之非敢變前人典型也念族譜之未能續起

金黃家言二月長

者已百二十餘年房譜之未及續脩亦近且五十年
猶憶創脩時吾房之丁男授室者只四十多人今幾
倍之矣豈可無續尤幸者歲在癸亥從弟清文倡義
偕清和等相與重新小宗祠而我遺安堂一派子孫
氣象遂以聿新又不可不再續前脩以煥發一房之
規模也數年來嬰孩之生亦喜加多著代之人又且
益進此又一長振之勢也英年已老材固樗櫟無俾
諸親而子弟姪輩方在進取逢時未遑於此事英故

以率爾之觚作登民數之板如此

嘉慶十四年歲在屠維大荒落復月長至前十七世

孫清英頓首拜書



062

八

金量多言一房長

鋪錦黃氏族譜原序

黃氏之族世居龜湖鋪錦舊譜掌于長房氏落莫失
守至今始遷之祖已無所於稽而僑寓族屬又散無
統紀以故欲作者實難也然隆懼夫世禩日湮強弱
相凌夷而下至若路人不免也於是諗于族曰尊
祖敬宗收族禮也要禮而行譜不可無作也後之視
今猶今之視昔也莫爲之作後世無以述又可以弗
作乎況今吾族之平居里巷其於支派分裂日習見

聞猶得以相指而相稽也寧知再世之後人易世疎
能不如彼路人乎幸今未至於路人也吾人其弗思
乎吾竊有志矣僉曰俞惟吾子誌之於是窮本索原
其祖則斷自 前坡廿公公始也其譜則竊取近世
洪大理君而作也嗚呼觀吾譜昧吾所以作之之意
者不知何心也繼吾後使斯作之不朽者又不知何
人也

嘉靖戊戌秋七月望日丙戌廿世孫隆謹書

宗人問

吾族國朝景泰天順間宗孫累外戚之禍舊譜因以沒迄於隆
乃作新譜凡例甫立宗人某見而請曰族譜何爲而作也隆曰
義博而大非更僕不能既也而其要則在於序昭穆別疎戚明
本支以傳來世耳向者已告矣茲更詳之夫吾之所以有身者
以其有父也所以有父者以其有祖也所以有祖者以其有高
曾以上之祖也其可忘乎旁推而近引之自吾昆弟諸父以至
於總麻袒免又推而至於無服之親皆吾同氣之所生也其又

可忘乎等而下之自吾若子若孫以至於雲初遠裔之孫皆吾
一氣之流行也其他別支之孫亦然其又可以置而弗續乎此
譜之所以作也曰何謂族何謂譜曰古者天子建德因生以賜
姓胙之土而命之氏諸侯不賜姓而命氏故姓則有曰姬曰子
曰媯曰風等之分而氏則有曰孟曰仲曰季曰華曰桓曰展曰
南宮曰北宮等之多焉大抵姓者統其祖考之所自出氏者別
其祖考_姓之攸分古者有姓有氏今天下之姓無慮千數大抵姓
氏也族亦氏也古者姓氏有分今則姓氏無分矣所謂譜者譜

其族人之世而已曰吾族姓黃何也曰姓氏之書所未盡見而說者謂顓帝曾孫陸終之後嘗封於黃其後以國爲氏郡望今江夏光州定城西十二里有黃國故城在湖廣黃州是也此黃之所自出也曰吾黃既出陸終則宜以陸終爲始祖今譜惟始自前坡廿八公何也曰何獨陸終也自吾父吾祖等而上之灝穹生民之初必有爲吾祖者有爲吾祖而譜不及闕者於不知也今吾所知者惟十八公其以十八公爲始祖者紀其實也此傳疑傳信之法也世之冒貴族如郭崇韜者爲人所譏笑其又可效乎曰如

閩氏族往往稱於五代間自固始從王氏入閩吾黃亦與之俱
乎曰五代間惠安錦田有黃納裕者唐末官侍郎其姪女有殊
色王審知納以爲妃當審知時吾閩已先有黃氏矣不可概畧
黃謂從王氏來也其稱固始者蓋由王潮兄弟以固始之衆從
王緒入閩審知因其衆克定閩中以桑梓故獨優固始人故閩
人往往詭言以自附不然何固始之多也若吾宗本源定出光
州非他姓之比曰閩自漢武遷其民於江淮之間虛其地然則
吾黃入閩自何始也曰自漢江夏黃黃蓋封定侯至十五世孫